

# KJARASAMNINGUR

milli Krabbameinsfélags Íslands  
og  
Félags íslenskra náttúrufræðinga (FÍN)  
um kjara- og réttarstöðu félagsmanna FÍN.

## 1. gr.

### Gildissvið

Kjarasamningur þessi tekur til þeirra starfsmanna ofangreinds vinnustaðar, Krabbameinsfélags Íslands, sem eru félagar í Félagi íslenskra náttúrufræðinga og eru þeir nefndir félagsmenn í samningi þessum.

## 2. gr.

### Meginefni

Um kjör félagsmanna sem samningur þessi tekur til og samskipti aðila samnings þessa skal fara eftir öllum form- og efnisákvæðum kjarasamnings Félags íslenskra náttúrufræðinga við fjármálaráðherra á hverjum tíma – svo og fylgiskjölum og bókunum eftir því sem við á – nema öðruvísi sé sérstaklega um samið í kjarasamningi þessum við Krabbameinsfélag Íslands. Breytingar í ráðningarsamningi félagsmanni í óhag eru ógildar, sbr. 24. gr. laga nr. 94/1986 um kjarasamninga opinberra starfsmanna.

## 3. gr.

### Önnur réttindi

Um kjör félagsmanna og réttindi fer einnig að breyttu breytanda eftir eftirfarandi samningum ríkisins við BHM f.h. aðildarfélaga þess:<sup>1</sup>

- a) Samkomulagi um trúnaðarmenn, dags. 9. janúar 1989, milli fjármálaráðherra f.h. ríkissjóðs og BHMR f.h. aðildarfélaga.
- b) Samkomulagi um starfshætti samstarfsnefnda, dags. 9. janúar 1989, milli fjármálaráðherra f.h. ríkissjóðs og BHMR f.h. aðildarfélaga.
- c) Samkomulagi um form ráðningarsamninga og skyldu til að upplýsa starfsmenn um ráðningarkjör milli fjármálaráðherra annars vegar og ASÍ, BHM og BSRB hins vegar, dags. 25. júní 1996 (sbr. reglur nr. 351/1996).
- d) Samkomulagi um lágmarksreglur um auglýsingar á lausum störfum samkvæmt 7. gr. laga nr. 70/1996 um réttindi og skyldur starfsmanna ríkisins milli fjármálaráðherra annars vegar og ASÍ, BHM og BSRB hins vegar, dags. 12. ágúst 1996 (sbr. reglur nr. 464/1996).
- e) Samningi um ákveðna þætti er varða skipulag vinnutíma, dags. 23. janúar 1997, milli fjármálaráðherra f.h. ríkisins, Reykjavíkurborgar og Launaneftdar sveitarfélaga annars vegar og ASÍ, BHM, BSRB og KÍ hins vegar.
- f) Samningi um rétt þungaðra kvenna til mæðraskoðunar, dags. 13. ágúst 1999, milli fjármálaráðherra og BHM.

<sup>1</sup> Ath! Gera þarf þríhliða samning um vörslu og ávöxtun orlofslauna á borð við samning, dags. 25. maí 2001, milli SPRON, fjármálaráðherra og aðildarfélaga BHM. Þar var orlofsfjáravöxtun hækkuð um 0,5%-stig, þ.e. úr 5,5% hjá Póstgíróstofunni í 6% hjá SPRON sem er þá lágmarksfordæmi fyrir þann banka eða sparisjóð sem hreppir hnossið.

17  
IBTI

#### 4. gr.

##### *Réttarstaða*

Réttindi og skyldur félagsmanna í starfi hjá Krabbameinsfélagi Íslands skulu að öllu leyti vera hliðstæð réttindum og skyldum ríkisstarfsmanna samkvæmt ákvæðum laga nr. 70/1996 um réttindi og skyldur starfsmanna ríkisins (starfsmannalaga), svo og stjórnarsýslulögum nr. 37/1993, – þ.m.t. samkvæmt form- og efnisreglum, sem stofnun ber að virða áður en gripið er til uppsagnar, að undangenginni áminningu ef við á, sbr. 21. og 44. gr. starfsmannalaga, svo og skyldu stofnunar til þess að rökstyðja uppsögn og áminningu. Kærustig samkvæmt 2. mgr. 13. gr., 1. mgr. 20. gr., 5. mgr. 26. gr., 2. mgr. 30. gr. og 2. mgr. 44. gr. er stjórn sjálfseignarstofnunarinnar.

#### 5. gr.

##### *Efni ráðningarsamnings*

Við ráðningu félagsmanna er skylt að nota til þess gerðan ráðningarsamning, sem báðir aðilar viðurkenna. Í ráðningarsamningi skal auk tilvísunar í starfslýsingu tilgreina starfsheiti, laun, greiðslutímabil launa, vinnutímafyrirkomulag, vinnutíma, vinnustað, upphafstíma ráðningar – svo og lokadag sé ráðning tímabundin, starfsaldur, og önnur starfskjör, svo og stéttarfélag, sem starfsmaður velur. Að öðru leyti vísast í samkomulag um form ráðningarsamninga og skyldu til að upplýsa starfsmenn um ráðningarkjör milli fjármálaráðherra annars vegar og ASÍ, BHM og BSRB hins vegar, dags. 25. júní 1996 (sbr. reglur nr. 351/1996).

#### 6. gr.

##### *Lífeyrissjóðsaðild*

Félagsmenn skulu vera í Lífeyrissjóði starfsmanna ríkisins (LSR) og greiða 4% iðgjald til LSR. Stofnunin greiðir móttframlag til LSR samkvæmt reglum LSR á hverjum tíma, nú 11,5% í A-deild, og ber þá ábyrgð á skuldbindingum sem lög um LSR, samþykktir LSR og ákvarðanir stjórnar og starfsnefndar LSR á hverjum tíma fela í sér.

#### 7. gr.

##### *Sjóðsaðild*

Aðild félagsmanna að öðrum sjóðum á vegum BHM – Orlofssjóði BHM, Starfsmenntunarsjóði BHM, eldri deild, nýjum Styrktarsjóði BHM, svo og Fjölskyldu og styrktarsjóði opinberra starfsmanna – er óbreytt og sem endranær háð greiðslu sjóðsframlags samkvæmt gildandi kjarasamningi sem vísað er til í samningi þessum.

#### 8. gr.

##### *Gildistími*

Gildistími kjarasamnings þessa er sá sami og gildistími núgildandi kjarasamnings Félagi íslenskra náttúrufræðinga við fjármálaráðherra og afturvirkur að því leyti og rennur því út sjálfkrafa án uppsagnar 30. nóvember 2004 en að því loknu skal farið eftir kjarasamningnum og öðrum samningum, sem vísað er til í samningi þessum, uns nýr kjarasamningur hefur verið gerður milli aðila þessa samnings, sbr. 2. mgr. 12. gr. laga um kjarasamninga opinberra starfsmanna.

**9. gr.**

*Lagarammi*

Um samskipti aðila kjarasamnings þessa – þ.m.t. réttarstöðu trúnaðarmanna, samstarfsnefndir, gerð kjarasamninga og vinnudeilur – gilda þeir samningar, sem vísað er til í samningi þessum, svo og lög um kjarasamninga opinberra starfsmanna, sbr. 2. gr. laganna.

**10. gr.**

*Betri réttur*

Félagsmenn, sem notið hafa betri réttinda en samningur þessi gerir ráð fyrir, skulu halda þeim óskertum.

Reykjavík, hinn 8. nóvember 2001,

Samþykkt f.h.

Félags íslenskra náttúrufræðinga  
með fyrirvara um samþykki félagsmanna,

*Þue Björg Hjálmarsson*  
*Jóhann E. Eyfjörð*  
*Þriðurlo Haraldsson*  
*Katrín Guðmundsdóttir*

Samþykkt f.h.

Krabbameinsfélags Íslands  
með fyrirvara um samþykki  
stjórnar,

*Valgerður Þórunn*

**Bókanir**  
**með kjarasamningi**  
**Krabbameinsfélags Íslands og Félags íslenskra náttúrufræðinga**  
**undirrituðum 8. nóvember 2001**

**Bókun 1**

Aðilar eru sammála um að Bókun 2 í kjarasamningi fjármálaráðherra f.h. ríkissjóðs og Félags íslenskra náttúrufræðinga undirrituðum 26. júlí 2001 gildir ekki gagnvart Krabbameinsfélagi Íslands.

t.h. FIN  
Ine Þórsdóttir

fl. Krabbameinsfélag  
Íslands  
Halgrímur Jónsson